

# დ რ თ ე ბ ა

## სურათებიანი დამატება

გაზეთის № 85. კვირა, 19 აპრილი 1909 წ. დამატების № 16.

### ს ა ი ლ უ ე ლ ო.

(შემდეგი \*)

#### V

საპატიო პირები მიუგზავნა ივანე ბერიშვილმა თავად დავითს: ნებით მომათხოვე შენი ქალიო. დავითმა შუა კაცები, ცოტას გასწყდა, არ დალანძლა. კნენა ნატალიამ კინალამ თემები ჩამოიტანა. ელენეს სასტიკად აუკრძალეს გადაღმა წასვლა. ღვთის მოსავი ნატალია წირვაზედაც აღარ გასულა, რა არის ელენემაც არ აიტეხოს წასვლაო. ელენეს ამხანაგებიც-კი აღარ მიაკარეს: წერილებს წაიღ-წამოიღებნო. ყოველი გზა შეუკრეს, მაგრამ ის-კი ვერ წარმოედგინათ, თუ მათი ნაზი, გაუბედავი, სუსტი ელენე იმდენს იზავდა, რომ ყოველ საღამოს მიიღებდა საყვარელ კაცს, თავისუფლად დაჰყოფდა მასთან მთელ ღამეს და დილით მშვიდისა და წყნარის სახით შეხვდებოდა მშობლებს. ელენე ძლიერ გამოიცვალა, მშობლები-კი ფიქრობდნენ, ცოტას იღარდებს, შემდეგ დაავიწყდებაო.

ორი თვე კიდევ დაჰყო ივანემ სოფელში. უკანასკნელად მოელაპარაკა ელენეს და უთხრა: „წავალ, საქმეს მივხედავ, სამსახურის ამბავს გავიგებ, ჩუმად ჩამოვბრუნდები და გავიპაროთო“. ელენე მწარედ აფრქვევდა ცრემლს და თავის ბედ-იღბალს აბარებდა.

ივანე წავიდა. დაპირებულმა დრომ გაიარა. ელენეს ტყუილად დააწყდა თვალები მოლოდინში. გულის ფრიალი აუფარდა. არაფერი ისმოდა, არც წერილი მოდიოდა.

მეორე თვე გადიოდა ივანეს წასვლის შემდეგ. ერთ წვიმიან ღღეს დავითის მთელ ოჯახს სახლში მოეყარა თავი. იყო რამდენიმე ახალგაზრდა ვაჟიც. ზოგი ქალაღდს თამაშობდა, ზოგი ნარდს. საერთოდ სიცილი და მხიარულება იყო, მხოლოდ ელენე არ იღებდა მონაწილეობას ამ სიმხიარულებაში. შალ წამოსხმული ფანჯარას მიყრდნობოდა და ფიქრით შორს მიფრინავდა.

— აა, გიჟს, გიჟს უყურეთ! — დაიძახა ერთმა.

— ოჰო, ლადო! — დაუმატა მეორემ.

— სად ყოფილა ნეტაი? — სთქვეს სხვებმა და ადგილებიდან წამოიშალნენ, როცა დაინახეს ეზოში შემოსული ცხონოსანი, თავადი ვლადიმერი, რომელმაც ექვსი თვის წინად ხელი სთხოვა ელენეს და ცივი უარი კი მიიღო.

მხედარი მსწრაფლ მიიქრა აივნის კიბესთან, ცხენი ბიქს გადასცა და სიცილით აირბინა კიბე. პირველად დიასახლის აკოცა ხელზე, მერე ელენეს, შემდეგ ყველას მიესალმა. მოვერცხლილი მათარახი თითიდან წაიძრო და იქვე კედელში გამაგრებულ ირმის რქის ტოტზე დაჰკიდა.

— სად იყავი, კაცო, ამ წუთში? — ჰკითხეს.

— პლათორმაზე ვიყავი. ჩორტ, რა ახალი ამბავი გვეიგეო...  
— რა, რა? — მისცივდნენ.  
— ეჰ, გასაძარბელი კი არაფელია... საწყალი ის მოკვტარა, ის, კაცო... — დაატკაცუნა თითები.  
— ვინ, კაცო, ვინ? — მიაძახეს.  
— ე, ის, კაცო, ზემლემერი რო იყო, ჰო, ბერიშვილი.  
— რას ამბობ?!  
— საწყალი...



ღარიბები. — სურათი ლ. პასინისა.

— რა კაი ბიქი იყო... — წამოიძახეს აქეთ-იქიდან.


ყველამ უნებურად ელენეს შეხედა. ის-კი, გაყვითლებული ზაფრანასავით, კანკალმა აიტანა. მერე ერთი დაიკვნესა და მოჭრილ მუხასავით ბრაზიანი გაიღო იატაკზე.

#### VI

მძიმე ნაავადმყოფარი ელენე აჩრდილივით იჯდა ლოგინში. ჯერ კიდევ დასუსტებული ბალიშებზე იყო მისვენებული. დედა ლოგინთან უჯდა და გამხდარ ხელებს უსრეს-

\*) ის. დამატება № 15.





და. ტასიკო, ელენეს საუკეთესო მეგობარი, მორიდებით და ნაზად უვარცხნიდა დიდი ხნის დაუვარცხნელ თმას. მხოლოდ ძლიერ ავადმყოფობის დროს მისცეს ტასიკოს ნება, ენახა ამხანაგი და თუ-კი რასმეს ასიამოვნებდა, მოეწლო. გონს დი-

— ჯერე მოკალით, ბიძია, და მერე დაუშუბი ადეთ! — ჩაილაპარაკა პავლემ.

— რითი მოკლეს, ბიძია, ასე რო იცით? — წაექომაგა ელენეს ახალგაზრდა თამრო.

— იმით, ბიძია, რომე... სსს... — ტუჩებზე ხელი დაიფარა და აქეთ-იქით მიიხედა: — ჩვენ შორს დარჩეს და...

— ვიცით, ვიცით. — გააწყვეტინა სიტყვა მხიარულმა კესარიამ.

— კურო მოუსვეს გვერდში, მერე აღარ მისცეს და...

— ა, ამ ულაშს მევიპარცავ, თუ აქანე ამ პეტერეი ავადმყოფობით გათავდება საქმე! — დაუმატა პავლემ.

ამ დროს, დავითიც შემოვიდა და სტუმრების ლაპარაკ-მაც სხვა ხასიათი მიიღო.

უსაქმო ხარხს ელენე გაეხადა შესაქცევარ და ვასართობ საგნად. კენიები მთელი დღეობით აფრენდნენ მოსამსახურე გოგოებს ერთმანეთთან ბარათით ხელში: „ელენეს სანახავათ მივალ და წამოდიო.“ ხშირად მთელი ჯარი შეიკრიბებოდა ხოლმე, მაგრამ, ელენე ყველას ერიდებოდა. მან ერთხელ და სამუდამოდ გამოუტყხა და დედას: არავისი ნახვა არ მინდაო.

VII

— დედა! ერთი წიწილი შემიწვი, იქნება ვქამო, — უთხრა ელენემ ერთხელ, როცა ფიქრისაგან გამოერკვა.

— კი, შვილო, ამ წუთში უბრძანეფ.

— არა, დედა, შენი ხელით შემიწვი. არ მინდა გოგოს გაკეთებული. შენ გაფუფქე და შენ შეწვი...

— კარკი, შვილო. შენ გენაცვალოს დედა! — უთხრა ნატალიამ, შუბლზე აკოცა და გავიდა ოთახიდან.

ელენემ თვალი გააყოლა, თავისუფლად ამოისუნთქა, ცოტა კიდევ ჩაფიქრდა და მერე მიუბრუნდა ტასოს:

— ტასიკო! დაანებე თავი მა თმებს, მოდი აქ, წინ დამიჯექი.



მაიორი ანჰერ-ბაი,

შტაბის აფიცერი, ოსმალეთის რევოლუციის მეთაური.

დი ხანია მოვიდა ელენე, მაგრამ ერთხელაც არ უკითხავს ვანოს უბედურების მიზეზი. თითქოს ეშინოდა სინამდვილის გაგებისა, განგებ გაუბრბოდა ამ კითხვას: კიდევ რაღაც იმედი ჰქონდა — იქნებ ტყუილია, მხოლოდ ჩემ გამოსაცდელად ჩაიდინეს ეს საქმეო.

კენი ნატალია დარდობდა, შვილი დამიკლექდებოა. მაგრამ როდესაც შეუფერებელ საქმეს და სახელის გატეხას წარმოიდგენდა, ათასჯერ შვილის სიკვდილს ამჯობინებდა, ვიდრე რძლებისა და მეზობელ კენიების სასაცილოდ გახდომას. ელენეს სანახავად მოსულებს სასტუმროში იღებდნენ და იქიდანვე ისტუმრებდნენ.

— მოუკვდეს დედა! მთელი კვირე არ იყო კარქათ, მერე იმ დასაქცევ დღეს გაცივდა, თავიც ტკიოდა. იმ ვასახარელმა ლაღომაც ისე უეცრად შეიტანა კაცის სიკვდილის ამბავი. ბეჩა, ყველას გვეწყინა, ახალგაზრდა კაცი იყო. ამას გარდა, იმდონხანს და-ძმასავით იყვნენ... ისიც ეწყინა, ყორიფელი ერთი მიორეს წვეწია და ასე-კი გამიხთა. — აუხსნა ერთ დღეს ნატალიამ სტუმრებს.

— არა, ჩემო რძალო: ვასაკვირალი იგია, რაღა იმ წამში მოუვიდა ყორიფელი? — გაიკვირვა კენი კესარიამ.

— ბეჩა! — იწყინა კნ. ნატალიამ: — არ იცით, ეს ავადმყოფობა პირველათვე რო თავში დაკრავს და წააქცევს?

— რა ავადმყოფობას ეძახიენ? — იკითხა ხნიერმა კენინა ეკამ.

— დობტურმა მოგახსენათ, წვეთი დასცემიაო. — საჩქაროდ მიუგო ნატალიამ.

— სად წვეთის დაცემა, სად გულის შეწუხება! — ჩერია ლაპარაკში დავითის სახლის კაცი, თავადი პავლე: — ამას გარდა, წვეთის დაცემას ვერც იტანს კაცი, იმ წამში კვტება. — განაგრძო მან.

— ყოფილა მაგალითები, რო ვადოუტანიათ. — მოუკრა სიტყვა ნატალიამ, მერე ადგა, ბოდიში მოიხადა, ავადმყოფს დიდ ხანს ვერ ვცილდებო, და გავიდა სასტუმრო ოთახიდან. მნახველებმა თვალი გააყოლეს და ეშმაკურის ღიმილით შეხედეს ერთმანეთს.



მაჰმად მახუთე,

ახალი სულთანი ოსმალეთისა.

— ამ საათში. აი, დაგვიწნი კიდევ. — ერთი კიდევ დაუსვა სავარცხელი სირმასავით მოეღვარე თმას, სამი თითით ჩაუწნა გრძელი ნაწნავი, თმის დასამაგრებელი ყვითელი სავარცხელი თავში გაუმაგრა, მერე კაბის კალთა გაიბერტყა და ლოგინზე ჩამოუჯდა.





— მითხარი, რა გინდა, ელიკო... ჩემო საწყალო ელიკო! — ეუბნებოდა ელენეს ნაღვლიან სახეს ტასიკოს ცოცხალი და მოძრავი თვალები.

— ტასიკო, რატომ ასე ჩუმათა ხარ? რატომ არაფერს მეუბნები?

— რა გითხრა, ელიკო, რა? — უთხრა ქალმა და თვალები ძირს დახარა.

— ჩემ ვანოზე რატომ არაფერს მეუბნები? დავიჯერო, მართლა მიმატოვა? დავიჯერო, დახუჭა თავისი ლამაზი თვალები? — ჰკითხა მარმარილოს ქვასავით გაფითრებულმა ელენემ.

— მართლა, მართლა ჩემო დაიკო... მართლა გილალატა, მართლა ჩავიდა მიწაში ჩემი ძმად ნაფიცო ვანო. მარა, იცოდე დაო, უკასკნელი მისი ხსოვნა შენ იყავი.

— მითხარი, ტასო, რაც იცი... ახლა იმდენად უკეთა ვარ, რომ შემიძლია მოვისმინო, რა უბედურება მოხდა ჩემ თავზე...

— წერილები ყოველ კვირაში მომდიოდა. მარა რა, არ იქნა, თქვენ ეზოსაც ვერ გავეკარე სიახლოვეს. შინ ჩაკეტეს და ჩვენ-კი არ გვიშობდნენ.

— მერე... რას გწერდა?

— წერილებს მოგიტან, როცა გარგა იქნები.

— ახლა მითხარი, რა მოუვიდა?

— აქედან ჩასულა და გაუგია, რომ სამსახურიდან ორი თვის წინად დაეთხოვათ. მერე სამსახურის ძებნა დოუწყია... ასე უცბათ სა იშონიდა! აქით შენს ამბავს ტყობილობდა, რო ასე შებოჭილი იყავი. დარღზე ღვინის სმა დეიწყო. მერე, მე დასამიწებელმა მიეწერე: ძმაო, ქალი კი არ გაწყვეტილა ქვეყანაზე, ამას შენ ვერაფელი გზით ვერ წეიყვან და ამეიღე გულიდანთქვა. ამდგარა იმ დღეს, დაუღევია, გაციებულა, მერე ანთება მოსვლია და ხუთ დღეში სული დოუღევია... ვერაფელმა ვერ უშველა თურმე..

— ჩემი გულისთვის... ჩემი გულისთვის!... — გაიმეორა ელენემ და ჩაფიქრდა. — ტასო! იცი რამდენი ბედნიერი ღამე გაგვიტარებია აქ, ამ ოთახში? ის მოკვდა... მე-კი უნდა ვიცოცხლო. მოვალე ვარ, ვიცოცხლო. როდისმე მივალ იმის საფლავზე და მივიყვან იმას, ვინც ჩამბარა ჩემმა ვანომ... — სთქვა ესა და გაფითრებულ სახეზე რაღაც გულქვაობისა და სიმაგრის მომასწავებელი ხაზი აღებეჭდა. ტუჩები მაგრა მოკუმა, თვალები დახუჭა და ტასიკოს დახმარებით ნელა ჩაწვა ლოგინში.

VIII

ის იყო და ის. თითქო სალ კლდედ გადაიქცაო, აღარ ესმოდა მშობლების წყრომა და რისხვა, ისე გაყრუვდა ელენე. როდესაც მიხეილმა გაიგო ელენეს ფეხ-მძიმობა, აფთრად გადაიქცა, მივარდა ოთახის კარს, უნდოდა თმებით დაეთრია თავისი განებივრებული შვილი, მაგრამ კარები ჩაკეტილი დაუხვდა—დიდი ხანია ღიას აღარ უშვებდა ელენე თავის ოთახის კარს—მერე წიხლი დაუშინა, „შეველეწო“, იძახდა. ამ დროს ცოლმა მოუსწრო, ჩაუვარდა ფეხებში და დაუწყო მუდარა:

— ნუ ყვირი, ნუ მევიქრით თავს... რაც დეგვემართა, ჩვენი თავით... ქვეყანას მაინც ნუ შევატყობიებთ ჩვენ გამოწყვეტას...

— რას ამბობ, დედა-კაცო, რას? რავა გავჩუმდე: მევიდა კისერში სისხლი, აგია! მოვკლავ მა... რა გახდა ჩემი კაცობა მაგან? რა კაცი ვარ ახლა მე? რავა გადამაძრო ქუთლი თავზე?

— კაცო, რომ გავიღია პირი, ყვირი და ქვეყანა გინდა შეყარო, რაღას მიეწევი? ჩვენი სირცხვილი ჩვენვე უნდა დავმალოთ.

— რავა თუ რას მიეწევი? წელეს გამოვაყრევიბ შემარცხვენელს! ცოცხლათ დავაგდებიებ იმ ძაღლის ლეკვს! — დაიღრიალა დავითმა და ერთი კიდევა ჰკრა კარს ფეხი. კარი შეიძრა, დაჭრიკინდა.

ელენემ შიგნიდან გამოსძახა მამას:

— ძაღლის ლეკვს მე არ ვატარებ იცოდეთ, არც ძაღლის შექმნილია ის... ძაღლისა კი არა, იმის შვილის დედა ვარ, ვინც თქვენ, მამაჩემო, გააბრიყვეთ ყაღბი საბუთებით და ვისიც დახმარებით ასი თუმანი წაგლიჯეთ გლენებს... დადექ, გული დეიწყნარე... თორემ მკვდარ ვანოს არაფერს მოთხოვენ, მაგრამ სხვას, ცოცხალს მოხვდება მოსახვედრი! — ისე ნელა, მტკრცედ და გარკვევით უთხრა ეს სიტყვები, რომ კედლის მეორე მხარეს მდგომ ცოლ-ქმარს ერთი სიტყვაც არ დაჰკარგვიათ.

ცოტა ხანს ორივე გაჩუმებული იყო. ერთმანეთს შესტკეროდნენ და ყურს უგდებდნენ: იტყვის კიდევ რასმეს თუ არაო. ელენე კარს მოსცილდა, ფანჯარა გააღო, გადაწვა ზედ და უაზროდ დაუწყო ცქერა ახლად ამწვანებულ ბაღს და აქა-იქ კოკორ გამოჩენილ ვარდის ბუჩქებს. გაზაფხულის თბილი და საამო დღე იდგა. სიცოცხლით საესე ჭრელი ჰე-



გურიის დედოფლის სოფიოს საფლავი სოფელ პლატანაში, ტრაპიზონის მახლობლად, ოსმალეთში. (იხ. „დროება“ № 44.)

ბლები დასტრიალებდნენ ერთმანეთს და ერთობოდნენ. ელენეც მისჩერებოდა მათ და ღრმად ისუნთქავდა მსუბუქ ჰაერს.

— ახლა, ახლაც მეტყვი, გაჩუმდი და ნუ მოკლავო?! — უთხრა ქმარმა

— გაჩუმდი, ხო გევიგონე? მიზეზი ჩვენ ვართ... ჩვენი საქმიზა მევიყვანეთ კაცი, დოუყენეთ გვერდში, დღეს, ხვალე, ზეგ და ახალგაზღვებმაც ქე იფიქრეს რაცღა. არა, ჩემო და, თა, არა. სამართლე უნდა თქვა. შენ რამდენჯერ გითქვამს: „თივა და ცეცხლი ერთათ არ შეიძლებაო.“ ჩვენ-კი, ჩვენი ხელით მივადევით თივა და ცეცხლი ერთმანეთს. ახლა გავუმდეთ და ე საქმე ჩავჩქმანდოთ... რაც უნდა დამიჯდეს ამ საქმის მიფუჩეჩება, არაფერს არ დევერიდები და შენი რძლების სასაცილო არ გაფხდები, დავით შეფიქრდა, თავი ჩაიქნია.



— რავარც გინდა, ისე ქენი, მარა ის ქალბატონი კი არ დემენახოს! — უთხრა ბოლოს, უღვაწზე ხელი გადისო და გავიდა ოთახიდან.

IX

იმ დროს ელენე შვიდი თვის ორსული იყო, ნატალიამ ოთხი თვის შემდეგ იცოდა, მაგრამ უმაღლავდა ქმარს. გულში ვერც ამტყუნებდა ელენეს.

„ივანე ზემლემერი და ნასწავლი მაინც იყო, მე-კი მოჯამაგირეზე წამივიდა თვალი, და საწყალი ბოვში მოჰკლეს თუ მოარჩინეს, ეხლაც არ ვიციო,“ გაიფაქრებდა მხოლოდ, ნატალია, თქმით-კი თავის ყურებსაც არ აგონებდა. შემდეგ შვილს დაუწყო დაყვავება, გაკირვებას უადვილებდა, უნდოდა, როგორმე დაახლოვებოდა ელენეს გულს, მაგრამ ამაოდ. ელენესთვის ეხლა გარეშენი იყვნენ დედ-მამა. მთელი დღე იჯდა ფანჯარაზე და იყო წარსულის მოგონებაში.

„წარსულით ვცხოვრობ მე უბედური, მხოლოდ წარსულითაო“, იტყოდა ხოლმე, როცა ფიქრით დაიღლებოდა. წამოისხავდა დიდ, თეთრ დარაიას და გასწევდა იქვე ტყეში ან ტასიკოს დაიბარებდა. მამასთან შეხვედრას ერიდებოდა. ერთხელაც არ დაუნახავს იმისი სახე. სადილ-ვანშამს მარტო სჭამდა, თავის ოთახში. არც თუ დავითს უნდოდა. მასთან შეხვედრა. შორიდან უყურებდა, ამჩნევდა გამხდრობას, ხედავდა, რომ აღარ იყო ის სიცოცხლით სავსე ელენე, რაც წინად, ეტყობოდა, როგორ დაედნო დარდა და მწუხარებას. გული უღლებოდა, უნდოდა დაეძახნა, დაეყვავებინა, მიეალერსებინა და ჩაეკრა მშობლიურ გულში, მაგრამ ამავე დროს თავისი სიამაყე დაუდგებოდა თვალ წინ და კეთილგრძნობას სრულიად სჩრდილავდა სიბოროტე.

გავიდა ხანი ამ ყოფაში. იენისის თერთმეტ რიცხვს, ხუთშაბათ დილით, არა ჩვეულებრივი ფაცა-ფუცი შეიქნა დავითისას. მოხუცი გამდელი საჩქაროდ წავიდა სადღაც. კნენა ნატალიამ რაღაცა უთხრა დავითს. იგი ადგა. სახე მოქუშულმა, სანადირო თოფი ჩამოიღო კედლიდან, სანადირო ტანისამოსში გამოეწყო, გავიდა ეზოში, ძაღლებს თავი დაუყარა და ორი ბიკის თან-ხლებით სანადიროდ გასწია. შაბათმა მოაწია, მაგრამ ელენეს მაინც არა ეშველა-რა!

— კვტება, შე-ოჯახ დაქცეული! რამ გაგიქვავა გული? — უთხრა ტირილით თვალეზ დასიებულიმა ნატალიამ ქმარს და შევიდა ელენეს ოთახში

დავითს ბევრი აღარ უფიქრნია და თან შეჰყვა. ბებიებს შერცხვით კაცის დანახვაზე და ბუხართან აეკვრნენ კედელს. დავითმა დახედა შვილს. ელენეს თვალეზი დახუჭული ჰქონდა. ტუჩები ისე დაეკბინა კბილით, სულ სისხლი სდიოდა. ხან გამოშვებით გმინავდა.

— რას უყურებთ, ქალებო! თუ რამე იცით, ეს ქე მომკვტარა! — მიუბრუნდა ბებიებს დავითი.

— ჩვენ არაფელი აღარ შეგვიძლია, ბატონო... ახლა კნენას მოვახსენებდი, ორტოყველ ბარბალიას რომ მოგახსენებენ, ჩხინკავაძის ქრივს, იგი მოაყვანიეთ. — უთხრა ერთმა, უფრო ხნიერმა ბებია-ქალმა.

ნატალიას ქმრისთვის აღარ დაუცდია, საჩქაროდ გავიდა და უბრძანა ბიკს, ახალგაზრდა გერასიმეს:

— გერასიმე, ახლავე შეკაზმე ცხენი და ბარბალია მომიყვანე ორტოყვიდან. ხომ იცი?

— კი, ბატონო, ჩხინკავაძის ბარბალიი ვინ არ იცის!


— აა, ჩემო გერასიმე, აქენე სულ.

— ცხენი არ მინდა, ბატონო, საცალ-ფეხო გზა ვიცი, უფრო ჩქარა მივალ. თუ იქნა შინ, ცხენით დიდი შარა უნდა მევიაროთ და დავგავგიანდება. — უთხრა ბიკმა, რომელსაც ძლიერ უყვარდა ელენე, პატივს სცემდა და მზად იყო

მისი სურვილი უსიტყვოდ აესრულებინა. ჩონხა გადრეკვა, ყაბალახი მხარზე გადიგდო, ბალში გადახტა, ბალიდან ტყეში, ტყე-ტყე გასწია და ერთ საათში მეორე სოფელში ამოჰყო თავი

მ. გარიყული.

(დასასრული იქნება.)



# წერილი ახლები


## ჰაერში მფრინავი გლეხი

მალოროსიული გაზეთი „რაღა“ საყურადღებო ამბავს გადგმოგვცემს. კიევის გუბერნიის სოფ. ბელმაჩევკოს გლეხს ტკაჩენკოს საფრენი მანქანა გამოუგონია. მანქანა მეტად უბრალო და მარტივია თურმე. მთელი აპარატი ქოლგისგან და ორის ფრთისგან შესდგება თურმე. ფრთები მოძრაობაში ფენებს მოჰყავს. ეს აპარატი „რუს. სლოვ.“ კორესპონდენტსაც უნახავს. ტკაჩენკო თავის სოფლიდან დილა აღრიან გაფრენილა და 16 ვერსი ერთ საათში გაუფლია. ამასთან აპარატი რამდენჯერმე მოშლია და იძულებული გამხდარა ერთის საათის განმავლობაში რამდენჯერმე ჩაშვებულყო მიწაზე და აპარატი შეესწორებინა, პლისვარზე ტკაჩენკო მატარებლის მისვლის დროს გაფრენილა, მფრინავ კაცის დანახვაზე მგზავრებს შორის ერთი მითქმა-მოთქმა ამტყდარა. ტკაჩენკოს აზრად აქვს დიდი მანძილი გაიაროს. იგი 34 წლისაა, ცოლიანი, უსწავლელი და გაუთავებია მხოლოდ საეკლესიო პირველ დაწყებითი სკოლასე გასინჯეთ, თავის სოფელსაც-კი არ გასცილებია. მხოლოდ ერთხელ ყოფილა კიევეში და ისიც 3 დღით. მფრინავ აპარატის, გამოგონებ ტკაჩენკოს პატარაობიდანვე უნდოდა თურმე.


## კახეთის რკინის გზა



1871 წელი — პირველი შუამდგომლობა კახელებისა.



1909 წელი — ეხლანდელი შუამდგომლობები.



2009 წელი — გაჰყავთ რკინის გზა.